



四庫全書

薈要

【集部】

吉林人民出版社

乾隆
御覽本

四庫全書薈要

集部
第二十三冊

欽定四庫全書薈要

集部
御定歷代賦彙外集卷三

御定歷代賦彙外集卷三

言志

豪士賦 有序

晉 陸機



德之基有常而建功之路不一何則循心以為量
者存乎我因物以成務者繫乎彼存夫我者隆殺止乎
其域繫乎物者豐約唯所遭遇落葉俟微風以隕而風
之力蓋寡孟嘗遭雍門以泣而琴之感以末何者欲隕

欽定四庫全書

御定歷代賦彙外集
卷三

臣紀昀詳校
詳校官儒通奇經歷臣郭祚熾

之葉無所假烈風將墜之泣不足繁哀響也是故苟時
啟於天理盡於民庸夫可以濟聖賢之功斗筭可以定
烈士之業故曰才不半古而功已倍之蓋得之於時勢
也歷觀古今徼一時之功而居伊周之位者有矣夫我
之自我智士猶嬰其累物之相物昆蟲皆有此情夫以
自我之量而挾非常之勲神器暉其顧盼萬物隨其俯
仰心玩居常之安耳飽從諛之說豈識乎功在身外任
出才表者哉且好榮惡辱有生之所大期忌盈害上鬼

神猶且不免人主操其常柄天下服其大節故曰天可
離乎而時有裒服荷戟立乎廟門之下援旗誓衆奮於
阡陌之上況乎代主制命自下裁物者哉廣樹恩不足
以敵怨勤興利不足以補害故曰代大匠斲者必傷其
手且夫政由甯氏忠臣所為忼慨祭則寡人人主所不
久堪是以君爽鞅鞅不悅公旦之舉高平師師側目博
陸之勢而成王不遣嫌吝於懷宣帝若負芒刺於背非
其然者與嗟乎光於四表德莫富焉王曰叔父親莫昵
焉登帝天位功莫厚焉守節沒齒忠莫至焉而傾側顛
沛僅而自全則伊生抱明允以嬰戮文子懷忠敬而齒
劒固其所也因斯以言夫以篤聖穆親如彼之懿大德
至忠如此之盛尚不能取信於人主之懷止謗於衆多
之口過此以往惡覩其可安危之理斷可識矣又況乎
饗大名以冒道家之忌運短才而易聖詰所難者哉身
危由於勢過而不知去勢以求安禍積起於寵盛而不
知辭寵以招福見百姓之謀已則申宮警守以崇不畜

之威懼萬民之不服則嚴刑峻制以賈傷心之怨然後
威窮乎震主而怨行乎上下衆心日侈危機將發而方
偃仰瞪盼謂足以夸世笑古人之未工忘已事之已拙
知曩勲之可矜暗成敗之有會是以事窮運盡必於顛
仆風起塵合而禍至常酷也聖人忌功名之過已惡寵
祿之踰量蓋為此也夫惡欲之大端賢愚所共有而游
子徇高位於生前志士思垂名於身後受生之分唯此
而已夫蓋世之業名莫大焉震主之勢位莫盛焉率意
無違欲莫順焉借使伊人頗覽天道知盡不可益盈難
久持超然自引高揖而退則巍巍之盛仰邈前賢洋洋
之風俯冠來籍而大欲不乏於身至樂無愆乎舊節彌
效而德彌廣身愈逸而名愈劬此之不為彼之必昧然
後河海之跡堙為窮流一簣之費積成山岳名編凶頑
之條身厭荼毒之痛豈不謬哉故聊賦焉庶使百世少
有寤云

世有豪士分遭國顛沛攝窮運之歸期當衆通之所曾

苟時至而理盡譬摧枯而振敗因天地以運動恒才
瑣而功大於是禮極上曲服盡暉崇儀北辰以葺宇
寔蘭室而桂宮撫玉衡於樞極運萬物乎掌中伊天
道之剛健猶時至而必警日罔中而弗昃月何盈而
不闕襲履車之危軌笑前乘之去穴若知險而退止
趨歸蕃而自戢推璇璣以長謝顧萬物而高揖託浮
雲以邁志豈咎吝之能集擠為山以自隕歎禍至於
莫及

欽定四庫全書

御定歷代賦集外集
卷三

四

士不遇賦

漢
董仲舒

嗚呼嗟乎遐哉邈矣時來曷遲去之速矣屈意從人非
吾徒矣正身俟時將就木矣悠悠偕時豈能覺矣心之
憂歟不期祿矣皇皇匪寧祇增辱矣努力觸藩徒推角
矣不出戶庭庶無過矣重曰生不丁三代之盛隆兮而
丁三季之末俗以辯詐而期通兮貞士耿介而自束雖
日三省於吾身兮猶懷進退之維谷彼實繁之有徒兮
指其白而為黑目信嫖而視眇兮口信辯而言訥鬼神

不能正人事之變戾兮聖賢亦不能開愚夫之違惑
出門則不可以偕往兮藏器又嗤其不容退洗心而
內訟兮亦未知其所從也觀上古之清濁兮廉士亦
筑筑而靡歸殷湯有卜隨與務光兮周武有伯夷與
叔齊卜隨務光遁跡於深淵兮伯夷叔齊登山而采
薇使彼聖人其猶周遑兮矧舉世而同迷若伍員與
屈原兮固亦無所復顧亦不能同彼數子兮將遠遊
而終慕於吾儕之云遠兮疑荒塗而難踐憚君子之
於行兮誠三日而不飯嗟天下之偕違兮悵無與之偕
返孰若返身於素業兮莫隨世而輪轉雖矯情而獲百
利兮復不如正心而歸一善紛既迫而後動兮豈云稟
性之惟褊昭同人而大有兮明謙光而務展遵幽昧於
默足兮豈舒采而靳顯苟肝膽之可同兮奚鬢髮之足
辨也

悲士不遇賦

漢
司馬遷

悲夫士生之不辰愧顧影而獨存恒克己而復禮懼志

行而無聞諒才難而世戾將逮死而長勤雖有形而不彰徒有能而不陳何窮達之易惑信美惡之難分時悠悠而蕩蕩將遂屈而不伸使公於公者彼我同分私於私者自相悲今天道微哉吁嗟閭閻人理顯然相傾奪兮好生惡死才之鄙也好貴夷賤指之亂也昭昭洞達胷中豁也昏昏罔覺内生毒也我之心矣指已能忖我之言矣指已能選沒世無聞古人唯恥朝聞夕死孰云其否逆順還周乍沒乍起無造福先無觸禍始委之自然終歸一矣

欽定四庫全書

御定歷代賦外集

卷三

感士不遇賦

有序

晉陶潛

昔董仲舒作士不遇賦司馬子長又為之余嘗以三餘之日講習之暇讀其文慨然惆悵夫履信思順生人之善行抱璞守靜君子之篤素自真風告逝大偽斯興閭閻懈廉退之節市朝驅易進之心懷正志道之士或潛至於當年潔已清操之人或沒世以徒勤故夷皓有安歸之歎三閭發已矣之哀悲夫寓形百年而瞬息已盡

立行之難而一城莫賞此古人所以染翰慷慨屢伸而不能已者也夫導達意氣其惟文乎撫卷躊躇遂感而賦之

咨大塊之受氣何斯人之獨靈稟神智以藏照秉三五而垂名或擊壤以自歡或大濟於蒼生靡潛躍之非分常傲然以稱情世流浪而遂徂物羣分以相形密網裁而魚駭宏羅制而鳥驚彼達人之善覺乃逃祿而歸耕山嶷嶷而懷影川汪汪而藏聲望軒唐而永歎甘貧賤以辭榮淳源汨以長分美惡作以異途原百行之攸貴莫為善之可娛奉上天之成命師聖人之遺書發忠孝於君親生信義於鄉閭推誠心而獲顯不矯然而祈譽嗟乎雷同毀異物惡其上妙算者謂迷直道者云妄坦至公而無猜卒蒙恥以受謗雖懷瓊而握蘭徒芳潔而誰亮哀哉士之不遇已不在炎帝帝魁之世獨祗修以自勤豈三省之或廢庶進德以及時時既至而不惠無爰生之晤言念張季之終蔽慙馮叟於郎署賴魏守以

欽定四庫全書

御定歷代賦外集

卷三

納計雖僅然於必知亦苦心而曠歲矧夫市之無虎眩
三夫之獻說悼賈傳之秀朗紆遠轡於促界悲董相之
淵致屢乘危而幸濟感詰人之無偶淚淋浪以灑袂承
前王之清誨曰天道之無親澄得一以作鑒恒輔善而
佑仁夷投老以長饑回早夭而又貧傷請車以備樽悲
茹薇而殞身雖好學與行義何死生之苦辛疑報德之
若茲懼斯言之虛陳何曠世之無才罕無路之不涸伊
古人之慷慨病奇名之不立廣結髮以從政不愧賞於

欽定四庫全書

御定歷代賦彙外集
卷三

萬邑屈雄志於戚豎竟尺土之莫及留誠信於身後動
衆人之悲泣商畫規以拯弊言始順而患入奚良辰之
易傾胡害勝其乃急蒼旻遐緬人事無已有感有味疇
測其理寧固窮以濟意不委曲而累已既軒冕之非榮
豈緼袍之為恥誠謬會以取拙且欣然而歸止擁孤襟
以畢歲謝良價於朝市

惜士不遇賦

有序

明
伍瑞隆

古人之出處也由己今人之出處也由人由人者招之

則來麾之則去由己者無心於功名道可進則進可退
則退其實非由己也由道也孔子曰用之則行舍之則
藏又曰邦有道貧且賤焉恥也邦無道富且貴焉恥也
豈非由己由道之明訓哉惟其間有遇不遇存焉惟人
之用舍世之理亂同一感恩也而大小異一知己也而
淺深異當時孔子非不攝行相事孟子非不為卿而要
不可以為遇也自肅皇帝始致辨於王皇二字之義尊
之為師而至聖大賢始一遇於千古之下耳夫遇者非

欽定四庫全書

御定歷代賦彙外集
卷三

由智非由力非由期約非由揣摩而忽然遇之之謂易
曰遇主於巷又曰過其祖遇其妣不及其君遇其臣此
遇之義也古人之行不一矣或出或處或默或語豈不
亦紛然其轍哉而其間高爵厚祿未必賢一命不沾未
必不肖遇者一言之義亦可容於暴主之朝不遇者全
行之瑜而不免棄於聖人之世故或以大德而制於小
德或以長才而困於短才或以經濟而屈於技能或以
文章而劣於倭幸或以廉謹而棄於多慾或以高閒而

擯於喧囂此在天則為時在人則為命馮唐李廣兩無可爭當是之時規不必圓矩不必方準不必平繩不必直吉凶悔吝懸於奸邪僉小之手自非有至人者揭日月而行將萬古如長夜耳伯夷柳下惠百世之師也使不遇仲尼則不過東魯之逐臣與西山之餓殍此下和所以抱泣而務光所以沈淵也太史公曰伯夷叔齊雖賢得夫子而名益彰顏淵雖篤學附驥尾而行益顯天地相遇品物咸章也姤之時義大矣哉董仲舒儒者

欽定四庫全書

御定歷代賦外集

卷三

十

所為士不遇賦哀思傷毒司馬遷繼為悲士不遇賦陶潛又為感士不遇賦千古悲涼倡和欲絕余生也晚無三子之才而浮於三子之遇因援筆而續其篇使後之君子鑒余之志哀余之命而因以弔三子之魂云爾賦

曰

噫惜乎傷心哉士之不遇若涉川之無舟若遠行之失路欲進不可欲退未能望河山而隕涕弔風物而傷神況安危之靡定屬貧賤而無親譬在鳥而為鳳超丹穴

欽定四庫全書

御定歷代賦外集

卷三

十一

而高飛却掩九苞而自晦與鳥雀而同歸譬在器而為琴張金玉而迴軫却寂寞乎朱紱避秦箏之豔引譬在馬而為駿輕千里之行塵却不逢於伯樂服鹽車而苦辛譬在龍而為惕恨進修之未能却德業之方成屬躍飛之屢更譬在衣而為領挈襟帶以無餘却值綱維之廢空存懷袖之書譬在水而為海挹百川而會歸却要荒而見棄藏蛟龍而莫知譬在山而為岱恣七十君之迭主却一謝於秦皇永難期於漢武譬在金而為鐵發干鏌之雄鋒却埋光於豐獄空流影於長虹譬在土而為石亘五岳而骨起却守其硜硜之節莫顯其巖巖之理譬在草而為蘭遡秋風而獨遠却閉阿嬌於長門而謝陳王於秋阪譬在木而為松歷隆寒而不凋却一落乎澗底誰引手於青霄譬在氣而為風洗天門於九重却闔闔之深閉扇霾陰於四封譬在室而為棟抗一木而支厦詎炎災之將頽致隆隆之撓下譬在樹而為果剥方窮而復新却失與於君子反得廬於小人譬在筆

而為毫竊鬚眉於影響却墨海之無波絕免鋒之蕭爽
譬在體而為眼攝一身之光明却浮雲之蔽日望長安
而涕零登蒼天而高舉兮乘衆氣而徜徉一覽而知山
河之本末再覽而周天地之圓方彼帝王伯之各有
所師兮豈日月星辰之靡有所將不降其志兮不辱其
身夷齊以還兮更屬何人悲哉連與惠之中倫中慮幸
哉虞與逸之中權中清仕止久速不可以預期兮往復
平陂不可以力爭掩雲霞於天路吸沆瀣於瑤京諒斯
人之飛舉豈僕病而未能擁四色之蓮花列七重之寶
樹吾未適乎伊人豈宵行而畏露神龍之在九淵兮
風雲之推轂黃鵠高舉於千里兮詎無心於擇木常魚
之服非白龍之可襲兮雜縣之鐘鼓非爰居之所歛吾
將建明月之旗接回風之軫而息乎若木之陰

答陸倕知己賦

梁任昉

原知己之時義故相知之信然乃貪廉之異貫吞勇怯
之相懸貪在物而成累怯在我而可甄既自得於為御

復甘心於執鞭矧相知其如此獨攬涕而潺湲雖有望
於已知更非謂其知己信偉人之世篤本侯服於陸鄉
緬風流於道素襲裘衣與繡裳逮伊人而世載並三駿
而龍光過龍津而一息望鳳條而載翔彼白玉之雖潔
此幽蘭之信芳思在物之取譬非升斛而能量匹聳峙
於東嶽比凝屬於秋霜不一飯以忘過每三錢以投渭
匪蒙袂之敢嗟豈溝壑之能衣既蘊藉其有餘又澹然
而無味得意同乎卷懷運方似乎仗氣類平叔而靡雕
似子臺而不朴冠衆善而貽操綜羣言而名學折高戴
於后臺異鄒顏乎董幄探三詩於河間訪九師於淮曲
術兼口傳之書藝廣鏗鏘之樂時坐睡而懸梁裁據梧
而錐幄既文過而意深又理勝而辭緝咨余生之在再
追歲暮而傷情測徂陰於堂下聽鳴鐘於洛城惟忘年
之陸子定一遇於班荆余獲田蘇之價爾得海上之名
信落魄而無產終長勤於短生饑虛表於徐步逃責顯
於疾行子比我於叔則又方余於耀卿心照情交流言

靡惑萬類間求千里懸渴言象可廢筌蹄自默居非連
棟行則同車冬夜不長夏日靡餘有核非餌絲竹豈娛
我未舍駕子已迴與中飲相顧悵然動色邦壤雖殊離
會難測存異山陽之居沒非要離之側以膠投漆中離
婁豈能識

贈任昉感知已賦

梁陸倕

夜申旦而不寐獨匡坐而怨咨命僕夫而夙駕指南館
而為期學窮書府文究辭林既耳聞而存口又目見而

欽定四庫全書

御定歷代賦彙外集

卷三

登心似臨淄之借書類東武之飛翰軫工遲於長卿踰
巧速於王粲固乃度平子而越孟堅何論孔璋而與公
幹或欲涉其涯涘求其界畔則浩浩港港彪彪汧汧譬
長缺於鞘中若龍淵與蜀漢濟濟冠蓋祁祁偶逆有竊
風以味道咸交臂而屈膝或望路以窺門空升堂而入
室彼春蘭及秋菊尚蕪絕於衆芳矧重仁與襲義信遼
遼今未央言追意而不逮辭欲盡而復忘竊仰高而希
驥忽脂車而秣馬既一顧之我隆亦東壁之余假似延

陵之如舊同伯喈之倒屣附蒼蠅於驥尾託明鏡於朝
光謂虛無而為有布籍甚於游揚於是柔條颯其成勁
白露變而為霜歲忽忽而道盡憂與愛兮未忘聚落莖
於虛室聽羈雀於枯楊怵鬱悵其誰語獨撫抱而增傷
託異人以蠲憂賴奇文而愈疾索黃瓊之寄居造安仁
之狹室車出門其已歡無論銜杯與促膝譬鄒子之墜
松故未寒而能慄徒納壤以作高陋吞舟而為網值墨
子之愛兼逢太丘之道廣陪九萬以齊征激三千而同
上識公沙於杵臼拔孝相於無名非夫人之為感孰云
感於余情指北邙以作誓期鬱鬱於佳城

感知已賦

有序

唐李翱

欽定四庫全書

御定歷代賦彙外集

卷三

貞元九年翱始就州府之貢舉人事其九月執文章一
通謁於右補闕安定梁君是時梁君之譽塞天下屬詞
求進之士奉文章造梁君門下者蓋無虛日梁君知人
之故也亦既相見遂於翱有相知之道焉謂翱得古人
之遺風期翱之名不朽於無窮許翱以拂拭吹噓翱初

謂面相進也亦未幸甚十一月梁君遽疾而歿漸遊
於朋友公卿間往往皆曰吾久籍子姓名於補闕梁君
也翱乃知非面相進也當時意謂先進者遇人特達皆
合有是心亦未謂知己之難得也梁君歿於茲五年翱
學聖人經籍教訓文句之旨而為文將數萬言愈昔年
見於梁君之文弗啻數倍雖不敢同德於古人然亦常
無忤於中心每歲試於禮部連以文章罷黜聲光晦昧
於時俗人皆謂之固宜矣然後知先進者遇人特達亦
不皆有是心方知知己之難得也夫見善而不能知雖
善何為知而不能譽則如勿知譽而不能深則如勿譽
深而不能久則如勿深久而不能終則如勿久翱雖不
肖幸辱於梁君所知君為之言於人豈非譽歟謂其有
古人之遺風豈非深歟而逮夫終身豈非久歟不幸梁
君短命遽歿是以翱未能有成也其誰能相繼梁君之
志而成之歟已焉哉天之遽喪梁君也是使翱之命久
連遭厄窮也遂賦感知已以自傷其言怨而不亂蓋小

雅騷人之餘風也其辭曰

戚戚之愁苦兮思釋去之無端彼衆人之容易兮志
士之所難伊自古皆嗟兮又何怨乎茲之世獨厄窮而
不達兮悼知音之永逝紛余生之多故兮愧特於世之
誰知撫聖人教化之旨兮詢合古而乖時誠自負其中
心兮嗟與俗而相違趨一名之五稔兮尚無成而淹此
路岐昔聖賢之遑遑兮極屈辱之驅馳擇中庸之蹈難
兮雖困頓而終不改其所為苟天地之無私兮曷不鑒
照於神祇心勁直於松柏兮淪霜雪而不衰知我者忽
然逝兮豈吾道之已而

士伸知己賦

宋 蔡 襄

古有云賤而達已者道必有裕貴而得士者禮必與鈞
意圖榮以高世竭游名於大人威鳳下而覽德微獲屈
而求伸謂周公多才揮沐吐餐而延白屋顏子具聖砥
名厲行而附青雲故我浩氣集義遊於天真默守節而
無悶動會時而益振彬文薄乎河漢長算驚乎臣鄰指

素絃而稟潔紉香草兮生春彼美君子風度瑰偉烏在
其蔓葛以均威寧藉乎樹粉而接里夷廉蕤而索言詣
幽眇而均旨判桑植於異畦決斷涇於東水始傾崐而
娛玩遽倒康而矜侈耽聖域以同與秩皇塗而並軌雖
韜瑕可以取璧兼體可以收非矧或太公蛻北海之居
安石翔東山而起我拒其歸誰執茲恥必使右雪苑之
席展繡衣之履繩引堯舜以致君蒙合燕趙之多士苟
氣協而聲同偕克濟乎薰美者也且夫虹玉隱乎燒石
砮珠淪乎層漪麒麟非犬羊之比鱣鯨豈螻蟻之持沔
明淵而自得曷怵迫而外侈華屋千椽柔繒百帷積粟
乎京坻躍馬乎騶驪匪衷藏之雅尚羌得志而弗為何
蘊諛以怪顏何挾巧而譎辭宜乎厚德表世嘉聞蓋時
身事崇高之責目瞻咫尺之儀謂巧株可萬乘之器廊
廟非一木之支得於道不伐乎衆公推於室不惜乎內
私舉巖穴而悚觀我冠佩而來思上弗求焉無曰蔑當
吾取下弗進焉無曰胡為我知然則人之膠於今者或

安於近泥乎古者或昧乎通擇其粉墨之異考以宮商
之同射乃墉上夔宜日中鳴鶴陰而子和雕虎嘯而生
風不然則名位相雄師學相攻耕石田而待稔懷珍鬻
而適戎故非五難而吐論和再則而處窮嗟乎木秀林
而必摧士入朝而見嫉絳灌隱堤而賈遷椒蘭發機而
原黜于冉膏舌而墨幽臧倉園睛而軻逸夜光明月招
訶按劍之年流水高山沈思絕絃之日在孤見之卓越
登羣蔽之豐密借如說困刑戮何擯其芳尹恬行耨何
鋪其香若歲旱而澤及卒阿衡而自將惟聖哲之觀逢
俾業履之猗昌奚仕虞而弭廢由自戎而出亡秦何售
之而遂用遽厚之而遐疆仲負弩而仇君鮑何奪徽纆
與鋒鉉弗芥蠱乎左右麾千侯而拱天王設隕越於九
淵幾夷社而易鄉甯倚輶而鳴嗑桓何寶其琅琅駿肆
語而靡著向何悟而趨下堂伊邠敷之末圖胥何利乎
錫土越石娛新以相佯嬰何次驂而奄取平負郭而久
貧何梯魏而康寓信鼓刀以周身何翼蕭而登輔節信

疲於游宦何怵心於皇甫正平蹶於羈雌何銜能於文
舉亮覘時而晦身蜀何奮之於剛畝蒙署籍而委質吳
何抗之於卒旅塞斯類之有徒彈筠素而曷敘彼王公
之宏畧豈數于智謀之能補畏遺德於冥鴻思灑恩乎
施雨向使失風雲之會構奇衰之伍或侘傺於草茅或
殲危於俘虜亘天地以寂寥尚何流嘉風而建英矩者
哉今茲有人遠陶聖世少齒鄉黌根雲英之節奏表畛
域而壑耕躋陵隅之峻嶺泳根涖之淵渟若夫名山首

欽定四庫全書

御定歷代賦集外集

卷三

乎黃老鬼谷謫乎縱橫桑羊役乎術計商鞅刻乎刑名
姑還車而却步目吾肆之豐贏既披閩吳而僞貢未幾
唱第於天樞賦從軍兮南土天蓋五而回星莽萬端而
外驚愚幽墨而無營憶百趾以高附愚遭環而後行噂
譟辯以旁肆愚抑閑而箱聲紛結游以走譽愚友益而
盡傾親冒頤而雙白又齊伐乎大庭第假田不足以羞
旨烏敢斬外物而薦榮晞往躅而結援缺回次而崢嶸
介語默於鄙室其誰燭之而使明勾藥牙於瘠壤又其

誰育之而使成豈云病畦而詔笑哀絃而賣名然世主
炎黃之化鼎連邴魏之風時乎時者難值旦復旦以親
逢儻率道而自進立誠知命抑在乎其中亂曰善知人
者豈古有而今無善求知者豈彼智而茲愚儻固其贏
而厚其薄必幽者綆而培者扶進抑時而退抑命爾其
守約而于于者乎

懷知賦

宋

張耒

嗟余生之苦艱涉世故而多違望羣嘲而衆侮獨于于

欽定四庫全書

御定歷代賦集外集

卷三

其從誰嗟若人之好修外洵直而中奇挈余手而指津
謂余車之不迷遵常度以夷行正六轡而安馳嗟終日
而無禽曰固然而曷疑惟言動之合符若方圓於矩規
振高言於皇極流餘麗於奇辭沃道德以相酬心厭滿
而忘饑愛日月而畏別卒悠遠而多懷跂余望兮莫瞻
將駕言其從之何出門之多難頓我馬以嗟咨山叢叢
而造天車欲進而畏摧臨江湖以浮舟蛟龍鬱其揚馨
路幽迴而莫通心鬱塞而增悲贈瓊瑤以致情恐所託

之吾欺惟至投之難投或舉世而莫知僅一遇而見明
蓋至樂之無儼彼取舍之迷方或骨肉而相遺苟我心
之不察雖至愛而何施故烈士之報知己或殺身而不
辭豈以生而易名誠內激而忘私風蕭蕭以戒秋蟬嘒
嘒而鳴悲白露漙兮夕涼庭木颯其先衰羈我馬於東
周蓋三歲其於茲老駸駸而來逼心鬱鬱而不夷顧所
樂之莫徙託宵寐兮庶幾酌尊酒以忘憂寫我心兮陳
詩

欽定四庫全書

御定歷代賦彙外集

卷三

酬德賦有序

齊謝朓

右衛沈侯以冠世偉才眷余以國士以建武二年余將
南牧見贈五言余時病既以不堪蒞職又不獲復詩四
年余忝役朱方又致一首迫東偏寇亂良無暇日其夏
還京師且事讌言未遑篇章之思沈侯之麗藻天逸固
難以報章且欲申之賦頌得盡其體物之旨詩不云乎
無言不酬無德不報言既未敢為酬然所報者寡於德
耳故稱之酬德賦其辭曰

悲夫四游之代序六龍驚而不息輕蓋靡於駿奔玉衡
勞於拊翼嗟歲晏之杳歡曾陰默以悽惻玄武伏於重
介宛虹潛以自匿覽斯物之用舍相摩方之動植弔悴
軀於華省理衣簪而自敕思披文而信道散忿懣於宵
臆嗟民生之知用知莫深於知己彼知己之為深信懷
之其何已牽弱萬之蔓延寄陵風於松杞指曲蓬之直
達固有憑於原泉彼排虛與踰實又相鳴於林沚興伐
木於友生詠承筐於君子矧景行之在斯方寄言於同
恥求相仁於積習寓神心於名理惟敦牂之旅歲實興
齊之二六奉武運之方昌觀休風之未淑龍樓儼而洞
開梁即煥其重複君奉筆於帝儲我曳裾於皇穆藉風
雲之化景申遊好於蘭菊結德言而為佩帶芳猷而為
服援雅範以自綏懿前修之所勗昔仲宣之發穎實中
郎之倒屣及士衡之籍甚託壯武之高義有杞梓之貞
心協丹采之輝被伊吾人之陋薄雖黼藻之何寘惟風
雅之未變知雲網之不廓譬層棟之將傾必華棟之先

欽定四庫全書

御定歷代賦彙外集

卷三

落翳明離以上賓屬傳體於纖萼周二輝而分崩擠九
鼎於重壑雖魚鳥之欲安駭風川而回薄微天道之布
新嗟員首其焉託余窘迹以多塊塊離尤而獨處君紆
組於名邦貽話言於川渚悵分手於東津望徂舟而延
佇慮古今之為隔豈山川之云阻賴先德之龍興奉英
靈之電舉事繁泥之密勿腰青綬而容與沾後惠以竭
來竟卒獲其笑語我艤舟以命徒將汨徂於南夏既勗
余以炯戒又引之以風雅若笙簧之在聽雖舒憂而可
假昔疇病於漳濱思繼歌而莫寫恩靈降之未已奉京
枌而作傳臨邦塗之永陌懷余馬於騏驎望平津而出
宿登崇岡而興賦顧歸憊之南回引行鑣而東驅何瓌
才之博侈申贈辭於萱樹指代匠而切憇比治素而引
喻方含毫而報章迫紛埃之東騫釋末位以言歸忽乘
驛以南赴連篇章之莫酬欲寄言於往句類鍛翮之難
矯似洞源之不注意搔搔以杼軸魂營營而馳騫爾腰
戰於戎禁我拂劍於郎闈願同車以日夜城望昏而掩

靡時遊盤以未極睽落景之徂輝苦清顏之倏忽吝歡
賞之多違排重關而休告知南館之有依驂識門以右
轉僕望路其如歸忘清漏之不緩惜曉露之方晞聞夫
君之東守地隱蓄而懷仙登金華以問道得石室之名
篇悟案中之迫脅欲輕舉而舍旃離寵辱於毀譽去天
伐於腥膻忽攜手以上征躋中皇之修迴巾帝車之廣
軾權河舟之輕艇歷星街之熠耀浮天潢之嚶溟機九
轉於玉漿練七明於神鼎吹萬化而不喧度千春之可
並齊天地於倏忽安事人間之紆倖哉

感節賦

魏曹植

攜友生而遊觀盡賓主之所求登高墉以永望冀消日
以忘憂欣陽春之潛潤樂時澤之惠休望候鴈之翔集
想玄鳥之來游嗟征夫之長勤雖處逸而懷愁懼天河
之一迴沒我身乎長流豈吾鄉之足顧戀祖宗之靈丘
唯人生之忽過若鑿石之未耀慕牛山之哀泣懼平仲
之我笑折若華之翳日庶朱光之常照願寄軀於飛蓬

乘陽風而遠飄亮吾志之不從乃拊心以歎息青雲鬱其西翔飛鳥翩而上匿欲縱體而從之哀余身之無翼大風隱其四起揚黃塵之冥冥鳥獸驚以求羣草木紛其揚英見游魚之泠潯感流波之悲聲內紆曲而潛結心怛惕以中驚匪榮德之累身恐年命之早零慕歸全之明義庶不忝其所生

感物賦

有序

宋 傅 亮

余以暮秋之月述職內禁夜清務隙遊目藝苑於時風

欽定四庫全書

御定歷代賦類外集

卷三

霜初戒蟄類尚繁飛蛾翔羽翩翩滿室赴軒幌集明燭者必以燠滅為度雖則微物矜懷者久之退感莊生異鵲之事與彼同迷而忘反鑒之道此先師所以鄙智及齊客所以難目論也悵然有懷感物興思遂賦之云爾

其辭曰

在西成之暮晷肅皇命於禁中聆蜻蛚於前廡鑒朗月於房櫳風蕭颯以陵幌霜皚皚而被牖憐鳴蜩之應節惜落景之懷東嗟勞人之萃感何夕永而慮充眇今古

以遐念若循環之無終詠倚相之遺矩希董生之方融

鑽光燈而散裘溫聖詰之遺蹤墳素香以難暨九流紛

其異封領三百於無邪貫五千於有宗考舊聞於前史

訪心跡於汗隆豈夷阻之在運將全喪之由躬遊翰林

之彪炳嘉美手於良工辭存麗而去穢旨既雅而能通

雖源流之深浩且揚摧而發蒙習習飛蚋飄飄纖蠅緣

幌求隙望爛思陵糜蘭膏而無悔赴朗燭而未懲瞻前

軌之既覆忘改轍於後乘匪微物之足悼悵永念而拊

欽定四庫全書

御定歷代賦類外集

卷三

膺彼人道之為貴參二儀而比靈稟清曠以授氣修緣督而為經照安危於心術鏡纖兆於未形有徇末而舍本或耽欲而忘生碎隨侯於微爵捐所重而要輕矧昆蟲之所昧在智士其猶嬰悟雕陵於莊氏幾鑒濁而迷清仰前修之懿軌知吾跡之未并雖宋元之外占曷在余之克明豈知及之徒爾喟投翰以增情

感舊賦

有序

唐 太宗

余將問罪東夷言過洛邑聊因暇景散慮郊畿流盼城

闕之間觀弱齡遊觀之所風雲如故卉木惟新少壯不留忽焉白首追思曩日緬成異世感時懷舊撫轡忘歸握管敘情賦之云爾

惟端辰之餘隙屬凝陰於暮年時觀兵於九伐聊息駕於三川登臨原隰悵望郊壩覽綺紈之遊踐觀疇昔而依然地不改其城闕時無異其風煙想飛蓋於河曲思解珮於芝田挾彈銅駝之右連鑣金谷之前新指脩其代謝舟壑俄而貿遷屬隋季之分崩遇中原之喪亂濯

欽定四庫全書

御定歷代賦彙外集

卷三

龍變為汙池平樂化為京觀天地兮厭蹟人神兮憤惋遂收袂而電舉乃奮衣而雲翔據三秦兮鳳跼出九谷兮龍驤揮寶劍之虹彩迴彫戈於日光埽機槍兮定六合廓氛沴兮靜八荒昔總戎於藩屏今拱已於巖廊營餘故柳壘有殘牆懷壯齡之慷慨撫虛躬而自傷觀世俗之飄忽鑒存亡於宇宙林何春而不花花非故年之秀水何日而不波波非昔年之溜豈獨人之易新故在物而難舊歲月運兮寒復暑日月流兮夜還晝信造化

之常經孰聖賢之可救於是停輿郊郭極眺山川信茲都之壯麗乃卜宅於姬年興亡兮代襲隆替兮相沿惟在德而為故實棄道而難全仰煙霞兮思子晉俯浩汗兮想張騫歎高蹤之靡覩嘉令譽之空傳聊憑軾而靜慮懷古人而悵焉況復氣結隆冬歲窮餘律對落景之蒼茫聽寒風之蕭瑟雲散葉而無帶雪凝花而不實霧嶺斷兮疑連煙林疎兮似密節物同於前載歡憂殊於曩日扣沉思而多端寄翰墨而何述

欽定四庫全書

御定歷代賦彙外集

卷三

感舊賦有序

唐岑參

相門子五歲讀書九歲屬文十五隱於嵩陽二十獻書闕下嘗自謂曰雲霄坐致青紫俯拾金盞裘弊寒而無成豈命之過歟國家六葉吾門三相矣江陵公為中書令輔太宗鄧國公為文昌右相輔高宗汝南公為侍中輔睿宗相承寵光繼出輔弼易曰物不可以終泰故受之以否逮乎武后臨朝鄧國公由是得罪先天中汝南公又得罪朱輪翠轂如夢中矣今王道休明噫世業